

Aningaasaqarnermut Nunanilu avannarlerni suleqatigiinnermut Naalakkersuisoq
Medlem af Naalakkersuisut for Finanser og Nordisk samarbejde

Inatsisartunut ilaasortaq
Per Berthelsen (S) (MAANI)

Nukissiorfiit pillugit Ernst Consult-ip nassuiaataa tunngavigalugu § 36 malillugu apeqqtunut akissut

Nukissiorfiit aktiaateqarluni ingerlatseqatigiiffingortinnissaa pillugu Ernst Consult-ip misissueqqissaarsimanera pillugu apeqqtut ataaniittut akineqarnissaat inatsisartunut ilaasortap Per Berthelsen-ip (S) qinnutigisimavaa. Apeqqtut ataasiakkaat immikkuutaarlugit ataani akissavakka.

- 1) *"Erns Consulting"-ip naliliinera Aningaasaqarnermut Naalakkersuisup qanga paasisaqarfigaa ?*

Akissut: UKA09-mi Siumup aalajangiiffigisassatut siunnersuutaata Naalakkersuisunit akineqarnissaata piareersarneqarneranut atatillugu misissueqqissaarneq Naalakkersuisup ilisimasimalersimavaa.

- 2) Sooq Aningaasaqarnermut Naalakkersuisup uppersarumangilaa aningaasaqarnermut Naalakkersuisumik ataatsimeeqateqarnermi sumulluunniit attuumassuteqanngitsumik misissuisitsilluni naliliisitsisimaneq ataani atsiortumit oqaatigineqarsimanera, tassanilu aningaasaqarnermut Naalakkersuisup ersarissumik oqaatigaa naliliisimanagerup pineqartup saqqummiunneqarnissaa peqataaffiginiarnagu.

Akissut: Ataatsimiinneq suna pineqarnersoq apeqqtikkut paasiuminaappoq. Misissueqqissaarnerup taaneqartup ataatsimiinerit ilaanni Inatsisartunut ilaasortaq Per Berthelsenimit oqaatigineqarsimasinnaanera Naalakkersuisup ilumuunnginnerassangilaa, taamaattoqarsimasinnaanerali eqqaasinnaanagu.

Qanorluunniilli pisoqarsimagaluarpat Ernst Consult-ip misissueqqissaarnissaa taamanikkut Naalakkersuisusunit inniminnerneqarsimavoq Nukissiorfiit aktiaateqarluni ingerlatseqatigiiffingortinneqarnissaata oqaluuserineqarnissaa siunertaralugu. Maannakkut naalakkersuisooqatigiit Nukissiorfiit allangortinneqarnissa kissaatiginnigilaat taamaattumillu misissueqqissaarneq ataatsimoorullugu saqqummiukkusunnagu.

22. oktober 2009
Sags nr.

Dok.nr. 248001

Postboks 1037
3900 Nuuk
Tlf. (+299) 34 50 00
Tlf. (+299) 32 46 14
E-mail: oed@gh.gl

Ilanngullugu paasisariaqarpoq misissueqqissaarneq tunngavigalugu Siumup inerniliineri Naalackersuisut inerniliineranniit allarujussuummata, taamaattumik ataatsimoorullugu saqqummiunnissaa ajornarluni. Taamaattumik inerniliinernik ataasiakkaanik Naalackersuisut naliliinerat apeqqutip tulluup akineqarnerani itisiliivigineqassaaq.

Ernst Consult-ip misissueqqissaarnermi inerniliineri Nukissiorfiit aktiaateqarluni ingerlatseqatigiiffingortinneqarnissaa pillugu Naalackersuisuusimasut 2007-imi nassuiaataanni inerniliinernit allaassuteqangaanngillat. Taamanikkut partiit illuatungiliuttuusut inerniliinernut taamani isumaqataanngillat partiillu taakku Naalackersuisunik pilersitseraaluartut tamanna allannguuteqanngilaq.

- 3) Naliliinerup inassuteqaatai arfineq pingasuusut tunngavigalugit piumasaraara paasissutissinneqarluarnissara (takuuk qup. 10 naliliinermi), taakkumi A/S-sinngortitsinissamik kaammattuisuunerupput, kaammattuutillu taakku aningaasaqarnermut Naalackersuisumit malikkumaneqanngillat, naak taakku kaammattuutit tamarmik kaammattuutigigaat Nukissiorfiit piaartumik A/S-inngortinneqarnissaaat taamaaliorneq Nukissiorfinnut Nunattalu aningaasaqarniarneranut pitsaanerpaasussaammat.

Akissut: Kaammattuutit ataasiakkaat immikkuutaarlugit kinguliini Naalackersuisut sinnerlugit isummersorfiggissavakka. Kaammattuut siulleq imaappoq:

- Nukissiorfiit A/S-ip ataatsimoortup kommuninit piginneqataaffigineqarluni pilersinneqarnissaanut atugassarititaasussanik pilersitsinissaaq, tassungalu assersuutigalugu kommunit eqqakkanik ikuallaavii kiassaateqarfiilu ilaatinneqassasut.

Eqqakkanik ikuallaaviit kissartuliaata sipporuttup atorluarneqarnissaanut kommunit Nukissiorfiillu suleqatigiilersinnaanerit ullumikkut ajornanngereerpoq. Naalackersuisut isumaqarput ingerlatseqatigiiffimmik pilersitsinissaaq periarfissatuaanngitsoq.

- Kommunit piginneqataanerat najukkani inissisimalersitseqataassaaq, tamatumalu peqatigisaanik suliassaqarfiit arlallit ullumikkut _ akisussaaffiit marluk akornanniinnerminni suneqanngitsortartut inissinneqassapput, soorlu aningaasaliinerit tamakkiisuunngitsut aamma kiassarnermik pilersuinermi ingerlatsineq, sanaartorfissagissaanissamik suliat il.il..

Naalackersuisut aammaarlutik isumaqarput Nukissiorfiit kommunillu suleqatigiinnissaat aqqutissaasoq pitsaasoq. Kommunit piginneqataanerat najukkani inissisimalersitseqataasinnaavormi, iluaqutissarli taanna pitsaanngequtinut illuatungiliutissallugu naammanngilaq.

- Akit iluarsineqarnissaat aamma aningaasartuutiviusut tunngavigalugit akeqartitsilernissamut aalisakkerivinnut tapiissutit allanngortinneqarnissaat / atorunnaarsinneqarnissaat. Tamatumunnga taarsiullugu siunissami aningaasaliiffissanut inuiaqatigiillu aingaasaqarnerinut iluaqutaasumik aningaasat tapersiissutaasinnaasut atorneqarnissaat

Naalackersuisut isumaqarput aningaasartuutiviusut tunngavigalugit aalisakkeriviit akiliisinneqartalerinissaannut sulii piffissanngunngitsoq. Tamanna pitinnagu aalisarneq aalisakkeriveqarnerlu aaqqissuuteqqinneqartariaqarput taamaalilluni tunisassiorneq iluanaarniutaalissammat imminullu akilersinnaalissammat. Taamaammat ingerlatseqatigiiffinngortitsinissamut sulii piffissanngunngilaq pissutissaatitaasullu sulii eqquutsinneqarsinnaanatik.

- Nukissiorfiit A/S-imut ingerlatsisinnaatitsissuteqarnissamut atugassarititaasussanik, ingerlatseqatigiiffimmut pisussaaffiliunneqartut aammalu ingerlatseqatigiiffiup pitsaasumik imminullu akilersinnaasumik ingerlatsinissaanut atugassarititaasut akornanni patajaatsumik oqimaaqatigiissitsisunik aalajangersaasoqassasoq. Ingerlatsisinnaatitsissutissamut missingiuut pigineqartoq ingerlatseqatigiiffiup ingerlatsinissaanut killiliissutaasut eqqarsaatigalugit pisariaqanngitsumik sukannerpallaartutut isikkoqarput.

Ernst Consult-ip tunngavissaatippaa Nukissiorfiit nukimmik pilersuineranut ingerlatsisinnaatitsissummik peqassasut peqatigisaanillu sinneqartooruteqassasut. Naalackersuisut isumaqarput sinneqartooruteqarnissamut akiliisussat tassaasut atuisut. Nukissamik nioqquteqarnissavimmut tunngavissaqanngimmat Naalackersuisut isumaqarluinnarput innuttaasunut pitsaanerpaasoq kisermaassisuunerup Nammminersorlutik Oqartussanit maleruagassaqartitaanissaa. Taamaattumik pissutissaaatitaasoq Naalackersuisut naammassiniangilaat tamanna innuttaasunut akisunerusussaammat.

- Avatangiisinut politikkimik, tassungalu ilanngullugu gassinut silaannarmik kissakkiartortitsisartunut (CO2) politikkimik suliaqartoqassasoq, taakkulu isumagineqarnerani akisussaasuullutik sulisussat aalajangersarneqassasut.

Gassinik silaannarmik kissakkiartortitsisartunik aniatitsinerup annikillisinneqarnissaanut atortussat pillugit nassuiaat Naalackersuisut saqqummiuteqqammerpaat. Iliuusissalli sulii piviusunngortinneqanngillat suliniutissallu annertuut, soorlu kissartuliap sipporussap atorluameqarsinnaanera

taaneqartoq sulii paaseqqissaarneqanngilaq. Taamaalilluni pissutissaatitaasoq sulii naammassineqanngilaq.

- Nukissiorfiit A/S-imi ataatsimoortumi siulersuisunik niuernikkut suliatigullu piginnaaneqartunik toqqaasoqassasoq taakkualu suliaaminnik ingerlatsinerat ataqqineqassasoq aammalu piginnittutut politikikkut malinnaaffiqineqassasoq.

Naalackersuinikkut ingerlatsinikkullu akisussaaffeqarneq ullumikkut immikkoortilluinnagaapput. Naalackersuinikkut akisussaaffik Naalackersuisuniippoq. Nukissiorfiit ulluinnarni ingerlatsinermut akisussaapput, iliuusissanut akisussaaffeqarneq naalackersuisoqarfiup Nukissiorfiillu siuttuisa akornanni suleqatigiinnikkut ingerlanneqartoq. Oqartoqarsinnaavoq Nukissiorfiit aktiaateqarluni ingerlatseqatigiiffimmisulli akisussaaffeqarnerit taamaaqataanik avissaarsimatinnegartut, tassa akisussaaneq siulersuisut pisortaattillu akornanni avinneqarsimammat. Nukissiorfiit sanaartugassatut pilersaarutunik annertuunik, soorlu imermit nukissiorfiit, sananeqarnerannik naammassinnissinnaasimanera piviusuuvooq. Naalackersuisut isumaqarput Nukissiorfiit siulersorneqarnerat allatut ilusiliinikkut nukittorsarneqarsinnaanngitsoq.

- Nunap Karsia taarsigassarsinermit qularnaveeqqusiisussanngortariaqarsinnaavoq

Aktiaateqarluni ingerlatseqatigiiffiit taarsigassarsineranni Naalackersuisuusimasut qularnaveeqqusiisuujumanginnerat Naalackersuisut isumaqatigaat. Assersuutigalugu TELEp immap naqqagut kabeliliinissamut taarsigassarsinera Nunap Karsianiit qularnaveeqqusiivigineqanngilaq. Nunap Karsia qularnaveeqqusiisorinagu Nukissiorfiit atorluarsinnasumik aningaasalersuinnaannissaat qularnarpoq. Taamaalilluni allanngortitsinikkut Nunap Karsiata qularnaveeqqusiinissaanut tunngavissaatitaq naammassineqarsinnaanngilaq.

- Nuarsuarmi pissutsit maanna atuutsillugit taarsigassarsisitsisartut ataatsimut isigalugit isumalluarfiusinnaanngikkaluartut, pitsaaqutissat taaneqartut allat tamaasa iluaqutiginiarlugit Nukissiorfiit A/S-ip piaarnerpaamik pilersinneqarmissaa inassutigineqarpoq. Pisuni tamani pisariaqartitsinerup tamanna pisariaqartilerpagu aammalu atugassarititaasussat naammaginarpata taarsigassarsinissaq pisartussaavoq.

Aningaasarsiornerup ajornartooqaffiunerata taarsigassarsiniarnissaq ajornakusoornerulersiinnarnikuuaa. Taamaattumik Naalackersuisut isumaqarput

Nukissioffiit Nunap Karsianiit taarsigassarsinatik aningaaserivinniit taarsigassarsinerat atuisunut akisuneruliinnassasoq.

Siuliiniittut tunuliaqutaralugit Naalackersuisut isumaqarput Ernst Copnsult-ip allangortitsinissamut kaammattuutai tunngavissaatitaasunik arlalinnik naammassineqaqqaartariaqartunik tunngaveqartoq. Naalackersuisut isumaqarput tunngavissaatitaasut taakku naammassineqarsimangitsut. Taakkutaaq pilersinnissaat Naalackersuisut kissaatiginngilaat taakku innuttaasunut pitsaangitsunik kinguneqartussaammata.

Inussiarnersumik inuulluaqqusilluta
Med venlig hilsen

Palle Christiansen